

NATIONAAL ARCHIEF 'S-GRAVENHAGE

HANDSCHRIFTEN DERDE AFDELING

TOEGANGSNUMMER 3.22.01.01

INVENTARISNUMMER 247.40

MAGESCHEID TUSSEN DE KINDEREN VAN
AERT WAUTERSZ. EN JUDT HERMENSDOCHTER
TE WIJK BIJ DUURSTEDEN

1533

1 CHARTER

BEWERKING DOOR

ANTHONIUS VAN DER TUIJN

TE RHOON

Voor eventuele vragen, opmerkingen en verbeteringen
(anthoniusvandertuijn@gmail.com).



Als u gegevens uit deze bewerking gebruikt voor genealogische of historische doeleinden, dient een verwijzing naar deze bewerking vermeld te worden. Bij gebruikmaking van gegevens uit deze bewerking ten behoeve van publicaties, in welke vorm dan ook, moet een adequate bronvermelding naar deze bewerking worden vermeld.

Wij Guerdt van Coddendoord licentaet in bejden rechten, Arent Henricxzoen van (Muieren?), Cornelis Hermens zoon ende Jan Noijst doen condit allen den gheenen die desen brieff zullen zijn ofte horen leesen dat wij een vrundelicke maichgescheijde ende dedinghe ghemaict hebben tusschen meester Steven Henrick, Wouter Henrick, Jan Thonis ende Anna Aert Wouterszoons kinderen ende Jan Loiffszoon als voicht van Alidit zijn huysfrou oick Aerts voirsz. dochter, van alle alzulcke erffenis ende besterffenis heerlick ende eijgen roerende ende onroerende goederen als hoer luijden aengecomen ende aenbestorven zijn van van saliger Aert Wouters zoen haer vader ende Judt Hermens dochter heur moeder nijet daer van vuytgesondert. In den eersten sall meester Steven hebben tot zijnen deel den boemgaerd, gheleegen achter Sint Anthonis cappel bij Wijck. Item daer toe noch elf carolus gulden ende vijf stuver losrhenten ende daer noch vier carolus gulden losrhenten die David van Zuilen den boedel schuldich was. Item daer toe noch vijftich gulden aen huysraide. Ende die vruchten ofte die pacht die naer Palmdach verschenen was ofte verschijnen sall, sall hij oick boeren. Item daer toe sall noch meester Steven hebben eenen tabbert ofte laicken ofte gelt daer voir tot estimatie van ons dedincxluijden ende hier mede sall hij vuyt desen boedel treden ende daer niet meer van hebben indt cleijn noch int groot. Item Jan Loiffs zoon mit Alidit zijn huysfrou sullen behouden alle alzulcken mede gans ende goederen als Alidit voirscreven van haer vader ende moeder gehadt heeft ende en sall nijet meer vandie voiscr. erffenis ende besterffenis hebben dan acht sulvere cruijsen die hem van stonden aen overgelevert zijn mit voirwairden dat indien Alidit zijn huysfrou offlivich voorde ende enich van hair voirscreven broeders ofte susteren daer nair offlivich wairden sonder geboert achter te laten, dat alsdan hair kinderen staen sullen in hair stede in alle erffenis ende besterffenis als hair deur van aencomen mochte indien zij in levende lijve wair. Item Henrick Aerts zoon voiscr. sall hebben ende behouden dat erff ende heerlick goidt achter beris, genaemt Schuelenborch mi alle zijne toebehoren soe alst daer van (vlek) gelegen is. Des sall hij eens vuytreijcken ende betalen van zijnen goederen die hem toegekomen zijn, Wouter Harmen Jan Thonis ende Annen zijn broes ende susters elcx eens vijftich carolus gulden, belopende te samen derderffhondert carolus gulden. Item noch sall Henrick hebben die acht hondt lants op Noerdervoerde (vlek) die huysinge mitten hoffstede, gelegen bij die buijtenpoert aenden dijk binnen Wijck. Item vuyt Fije costers huys staende aen tkerckhoff sestien stuvers losrente. Item vuyt Willem van Hollants huys oick thien stuver losrendt. Item noch vuyt M...dt Screvents huys sestien stuvers erffrendt. Item noch vuyt Willem Gerits zoons huys twee ende dertich stuver losrendt. Item daer toe noch vier gulden eens vuyter reden goiden des vaders. Item Wouter Aerts zoon sal hebben voir zijn deel ende lotinghe dathuys onder de moelenwerff daer vuyt goede eenen halven gouden gulden. Item noch ses carolus gulden ende achtendetwintich scellinge siaer vuyt Willem die Ridders erff. Item noch een ouden schildt erffrandt gaende vuyt meester Aernt Henricx zoons die meding noemgaert. Item noch drie carolus gulden ende vier stuvers gaende vuyt Steven die Weitsen gadt. Item noch Frederick van Hijens huys acht ende twintich stuver losrent. Item vuyt Peter van Wettens huys huys twaelf stuver losrente. Item vuyt Lubbert Stevens zoons huys sestien stuver losrent. Item vuyt Gerit Knoops huys eenen gulden losrhent. Item noch een hoerns gulden vuyt Jan van Cuijlenborchs huys. Ende daer toe sall hij noch hebben voir vuyt den boedel twaleff carolus gulden ende twaleff stuvers. Item Harmen Aerts zoon sall hebben voir zijn deel ende is te loot gevallen onder halven mergen lants gelegen up die oude weteringe. Item noch vuyt Marijten Hieronijmus huys vijf carolus gulden ende derthien stuver. Item vuyt Aelbert die visschers huys thien stuver losrhent. Item vuyt Neel Oloffsz. huys vier gulden ende seshien stuver losrhent. Item vuyt Steven Oloffs huys een carolus gulden erffrhent. Item vuyt Cornelis Cruijen huys indie Voirderstraet acht ende veertich stuver losrhent. Item vuyt Laurens van Vrougetens huys derdalse gulden lesrent. Ende daer toe sall hij noch hebben voir vuyten boedel acht carolus gulden ses stuver. Item Jan Aerts zoon sall hebben ende is te loot gevallen voir zijn deel die rendt van Gerrit Jacobs zoon belopende twee ende twintich gulden ende vijf stuver. Item noch twee hont lants gelegeen aen Stroebant cappelle vuyten boeder van Neel van Scherpenseel gecoft zijnde. Item van sadelmaickers huys eenen gouden gulden erffrhent. Item van die stadt van Wijck elf stuver losrhent. Item vuyt Jan van Voschhuys bijde Velpoort acht ende veertich stuver erffrendt. Ende daer toe noch eens vier gulden twee stuver van die rede goiden voir vuyten boedel. Item Thonis Aerts zoon sall hebben voir zijn deel ende is te loot gevallen thien hont lants bij twerste cruijs. Item noch vier gulden losrhenten tot Eck van meester Eelgis van Treest. Item vuyt Cornelis van Driels landt derdalse gulden. Item vuyt Steven



Robbens huijs tweendedertich stuver jaerlix erffrant. Item vuijt Hannichgen olijslagers huijs sestien stuver. Item vuijt Meus van Haestens huijs bij tcloester vier ende twijntich stuver erffrendt. Item Anna Aerts dochter sal hebben voir hair deel ende lotinge dat geheel huijs dair Aert voirscr. inne te woenen plach, streckende van voeren tot achter aen Truij Roijen huijs ofte schuijr. Item noch vuijt Jacop die Witten landt gelegen achter Sinte Anthonis cappel drie loot silvers. Item vuijt Claesken Vreesen huijs ses stuver. Item vuijt Goert die leijdeckers huijs thien stuyvers. Item van Ruijter die besemmaicker huijs vier ende twijntich stuver. Ende dair toe noch aen reede gelde voir vuijten boidel vier gulden sestien stuver. Item die Staten rhenten belopen drie ende dertich philips gulden ende twijntich stuver die sullen heur (clr?) Wouter, Harmen, Jan, Thonis, ende Anna tsamen deijlen ende rhenten dair off comende een ijegelicken (...even) veel off hoeren. Ende hier mede sullen alle dese voirscr. kijnderen gescheijden zijn van alle die onruerlicke goederen ende rhenten als Aert Wauters zoon mit Judt zijn huijsfrou achtergelaten hebben ruerlicke goideren. In den eerste sall Henrick behouden allen den huijsraidt mitten inhouden die inden huijse is ende dair toe sall hij houden ende boeren een jair rhenten van die Staten ende hier voir sall hij betalen alle die schulden die den boedel schuldich is tot desen daghen toe ende dair toe sall hij van datvoirscr. jair rhenten Wauter, Hermen, Jan Thonis ende Anne elck eens twee carolus gulden geven. Item die schulden nair vuijtwingen den boick mit dat wullen saicken ende reedt gelt belopen vier ende twijntich hondert carolus gulden ende sevendedertichstalve stuver vuijtgescheijden drie achtelstallige termijnen van den Staten ende die schulden van biscop Philips ende hartouge Henrick dese gelden sullen Henrick, Wauter, Hermen, Jan, Thonis ende Anna te samen deijlen, welverstaende dat Henrick dat laicken behouden sal voir alzulcken prijs als dat gewaerdeert is. Ende voert sall hij dat gereede gelt behouden ende sall alle die schulden inmanen binnen vier jairen ende sall alle jair geven ende betalen van dese vier ende twintich hondert carolus gulden ende twee ende dertichstalve stuverrende aen handen van Wouter, Harmen, Jan, Thonis ende Anna ende hier van sall hij oick zijn aenvaert hebben ende wes schulden hij nijet krijgen en kan die sal hij in tleste jair ende aenden lesten termijn corten. Item die drie achterstallige termijnen van die Staten ende die schulden van biscop Philips ende hartouge Henrick tselve daer off coempt sullen dese seskijnderen als Henrick, Wauter, Hermen, Jan, Thoenis ende Anna oick tsamen deijlen. Ende hier mede sullen alle dese voirscreven kijnderen gescheijden zijn van alle erffenis ende besterffenis die hoir aengecomen ende aenbestorven is van vader ende moeder ende elck sall deen up ten anderen vertijen ende in zijn geloette goideren vestigen soe wanneer hem van dese voirscr. kijnderen ofte hoiren erven des vermaint werdt ende ingevall dat hier eenich onderstandt donckerniss ofte twist inne geviel, tselve sall staen tot verclaringe van ons vier de dincxluijden voirscreven ofte den genen die dan te levenden lijve wesen sall. In kennis der wairheijt hebben wij Steven Jan Loiffszoon, Henrick, Wouter, Hermen, Jan, Thonis ende Anna gebeden mejster Guerd van Coddendoerd, Aert Henricszoon, Cornelis Harmens zoon ende Jan Noijst die maichgescheijt met ons te bezegelen. Dat wij Everdt, Aert, Cornelis ende Jan Noijst om beeden van den voirscr. personen geern gedaen hebben. Ende tot meerder vestenis heb ick Jan Loiffszoon dit oick over mij selven ende mede (vlek) ...eerten van mijns huijsfrouwen broeders ende suster mijn segel aen desen brieff gehangen. int jair ons heeren vijftienhondert drie ende dertich op ten derden dach van den april.

Met gave zegels van Guerd van Coddendoerd, Aart Henricxz., Cornelis Harmensz., Jan Noijst en Jan Loijfsz.

